



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-178-3/26**
Datum: **01.07.2026. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „Hidrogradnja“ d.d. Sarajevo - u stečaju za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa-kamenoloma „Hadžići“, naselje Dupovci, općina Hadžići, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Hidrogradnja“ d.d. Sarajevo - u stečaju daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa „Hadžići“, naselje Dupovci, na zemljištu označenom kao k.č. broj: 1382 i 1812 KO Hadžići, općina Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (separator ulja, masti i naftnih derivata, slivnici, rešetke, kanali, šahtovi, ivičnjaci, rigoli, betonski taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Hadžići“, nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u rijeku Zujevinu.
 - 3.4. Da se redovno vrši monitoring prečišćene otpadne vode iz okana za monitoring shodno članovima 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24), a ukoliko Vlada Sarajevskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da korisnik poslovnog objekta, bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.
 - 3.8. Da se eksploatacija mineralne sirovine na površinskom kopu „Hadžići“, naselje Dupovci, općina Hadžići, vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima i podzakonskim aktima koji tretiraju ovu oblast.

- 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.12. Da se istrošena ulja, nauljene krpe i sav opasan otpad koji nastaje na prostoru površinskog kopa-kamenoloma „Hadžići“ prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete bilo kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice "Hidrogradnja" d.d. Sarajevo - u stečaju, podnijelo je zahtjev dana 16.04.2026. godine, koji je zaprimljen na protokolu Agencije dana 28.04.2026. godine, za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa-kamenoloma „Hadžići“, naselje Dupovci, općina Hadžići.

U provedenom postupku dostavljena je i pregledana sljedeća dokumentacija:

A. Opća dokumentacija

- Aktuelni izvod iz sudskog registra, broj: 065-0-RegZ-26-001484 od 05.02.2026. godine izdat od strane Općinskog suda u Sarajevu – kopija,
- Rješenje o izmjenama podataka, broj: 065-0-Reg-16-004891 od 20.04.2017. godine izdato od strane Općinskog suda u Sarajevu – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-2794-2/17 od 22.05.2017. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerjenje o poreznoj registraciji od 10.05.2017. godine izdato od strane Kantonalnog poreznog ureda Sarajevo - ovjerena kopija,
- Zemljišnoknjižni izvadak, Katastarska općina Hadžići, broj: 011112/26 Zemljišnoknjižni uložak broj:170 izdat od strane Općinskog suda u Sarajevu – kopija,
- Kopija katastarskog plana, UR. broj: 05-26-2-1621/2026-5 od 09.02.2026. godine izdata od strane Službe za imovinsko pravne poslove, geodetske poslove i katastar nekretnina općine Hadžići – kopija,
- Rješenje, Up/I broj: 06-18-193/09 od 19.12.2009. godine izdato od strane Federalnog ministarstva energije, rudarstva i industrije – kopija,
- Zaključak, Up/I broj: 06-18-193/09 od 15.05.2013. godine izdat od strane Federalnog ministarstva energije, rudarstva i industrije – kopija,

- Rješenje o odobrenju upotrebe objekata, postrojenja i uređaja na kamenolomu „Hadžići“, Up/I broj: 04-312-5266/97 od 17.06.1998. godine izdato od strane Federalnog ministarstva energije, rudarstva i industrije – kopija,
- Rješenje, broj: 07-06-21-11313/23 od 07.09.2023. godine izdato od strane Ministarstva privrede Kantona Sarajevo – kopija,
- Zaključak, broj: UPI/03-23-2-269/12MT od 31.10.2012. godine izdat od strane Federalnog ministarstva prostornog uređenja – kopija,
- Rješenje o okolinskoj dozvoli, broj:UP I 05/2-02-19-5-107/21 MK od 18.08.2021. godine izdato od strane Federalnog ministarstva okoliša i turizma – kopija,
- Rješenje, Up/I broj:09-18-177/99 od 09.06.2000. godine izdato od strane Federalnog ministarstva energije, rudarstva i industrije – kopija,
- Izvještaj o inspekciji br. 113AE1/25 od 10.02.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 113AE2/25 od 10.02.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 1245E1/25 od 14.07.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 1245E2/25 od 14.07.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 184E1/26 od 16.02.2026. urađen od strane „Inspekt RGH“ d.o.o. Sarajevo,
- Izvještaj o inspekciji br. 184E2/26 od 16.02.2026. urađen od strane „Inspekt RGH“ d.o.o. Sarajevo,
- Ugovor potpisan sa „Delta Petrol“ d.o.o. Kakanj, broj:743/26-DS od 25.03.2026. godine – kopija,
- Rješenje o vodnoj dozvoli, broj:UP-I/21-3-40-011-5/24 od 27.03.2024. godine izdato od strane Agencije za vodno područje rijeke Save, Sarajevo – kopija,
- Punomoć podnosioca zahtjeva, broj: 987/26 od 16.04.2026. godine,
- Zapisnik o inspekcijskom nadzoru, broj: UP1-14-21-2-01633/2025-028-5-P od 26.08.2025. godine sačinjen od strane Federalnog vodnog inspektorata – kopija,
- Rješenje, broj: UP1-14-21-2-00009/2025-028-P-028-2-P od 27.03.2025. godine izdato od strane Federalne uprave za inspekcijske poslove – kopija,
- Rješenje, broj: 07-06-21-11313/23 od 07.09.2023. godine izdato od strane Ministarstva privrede Kantona Sarajevo – kopija,
- Radni zapisnik o radovima na pranju i čišćenju podzemnih rezervoara i/ili separatora, broj:04/05.26 sa radnim nalogom na terenu, broj: 02/05.26 od 05.05.2025. godine izdati od strane „Delta petrol“ d.o.o. Kakanj – kopije,
- Dokaz o uplaćenju federalnoj upravnoj taksi na zahtjev

B Tehnička dokumentacija:

- Tehnički elaborat ispuštanja otpadnih voda za kamenolom „Hadžići“ - Glavni projekat, urađen od strane Zavoda za vodoprivredu d.d. Sarajevo, juli 2017. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj i tom prilikom sačinjen Zapisnik o izvršenom uviđaju broj: UP-1/21-3-40-178-2/26 od 07.05.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pravnom licu „Hidrogradnja“ d.d. Sarajevo - u stečaju izdata je vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora površinskog kopa-kamenoloma „Hadžići“, općina Hadžići, pod brojem:UP-1/21-3-40-011-5/24 od 27.03.2024. godine.
- Navedeno Rješenje je izdato u skladu sa dostavljenim dinamičkim planom ulaganja, urađenim od strane pravnog lica, broj: 308/24 od 07.02.2024. godine, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20 i 1/24) da se na terenu realizuju aktivnosti na vanjskom uređenju sistema prikupljanja, tretmana i ispuštanja tehnoloških otpadnih voda i oborinskih onečišćenih voda sa radno-manipulativnih, proizvodnih, skladišnih, administrativnih i drugih površina, a sve u skladu sa revidovanom projektnom dokumentacijom: Tehnički elaborat ispuštanja otpadnih voda za kamenolom „Hadžići“ Glavni projekat, urađen od strane Zavoda za vodoprivredu d.d. Sarajevo, juli 2017. godine.
- Pravno lice je realizovalo sve planirane aktivnosti na terenu, površine su asfaltirane i uvezan je sistem podzemnih instalacija-hidro faza, u skladu sa Tehničkim elaboratom ispuštanja otpadnih voda za kamenolom „Hadžići“ Glavni projekat, urađen od strane Zavoda za vodoprivredu d.d. Sarajevo, juli 2017. godine, tako da isti odgovara činjeničnom stanju na terenu.
- Monitoring kvaliteta i kvantiteta otpadnih voda, po ugovoru vrši „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom

o uslovima ispuštanja otpadnih voda u prirodne recipijente i sisteme javne kanalizacije. Monitoring se vrši na dva mjerna mjesta E1 i E2, a konačan recipijent je rijeka Zujevina.

- U prethodnom periodu izvršen je inspekcijski nadzor Federalnog vodnog inspektora i u istom je konstatovano da je subjekt nadzora na terenu postupio po prethodno izdatom Rješenju.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva "Hidrogradnja" d.d. Sarajevo - u stečaju, ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa - kamenoloma „Hadžići“, naselje Dupovci, općina Hadžići, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja Rješenja;
- 3KM federalna upravna taksa dostavljena uz zahtjev.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.



Dostaviti:

- "Hidrogradnja" d.d. Sarajevo - u stečaju
Izeta Čomore b.b., 71210 Ilidža, (Prilog),
- AVP Sava, ISV-vodna knjiga
 - sektor 50
 - sektor 40 – arhiva
 - oglasna ploča – AVP Sava